

嘉靖以來內閣首輔傳



嘉靖以來內閣首輔傳

王世貞撰

中華書局

叢書集成初編

嘉靖以來內閣首輔傳

中華書局出版發行

(北京王府井大街三十六號)

秦皇島市資料印刷廠印刷

一九九一年北京第一版

開本：七八七乘一〇九二毫米三十二分之一

統一書號：ISBN7-101-00894-1/K·367

嘉靖以來內閣首輔傳

叢書集成初編所選
澤古齋重鈔借月山
房彙鈔本皆收有此
書版本同借月在先
故據以排印

四庫全書提要

嘉靖以來首輔傳八卷。明王世貞撰。世貞有弇山堂別集。已著錄。是編乃紀世宗穆宗神宗三朝閣臣事蹟。案明自太祖罷設丞相。分其事權於六部。至成祖始命儒臣入直文淵閣。參預機務。但稱閣臣。而不以相名。其後閣倖干政。閣臣多碌碌充位。至嘉靖開。始委政內閣。而居首揆者。責任尤專。凡一時政治得失。皆視其人爲輕重。故世貞作此書。斷自嘉靖爲始。以明積漸所由來。前有總序。稱閣臣沿革始末。已具年表者。卽指弇山堂別集中之百官表也。其所載。始楊廷和。訖申時行。皆以首輔爲主。而間以他人事蹟附之。於當時國事是非。及賢姦進退之故。序次詳悉。頗得史法。惟世貞與王錫爵同鄉。錫爵家嘗妄言其女得道仙去。世貞據爲作傳。當時劾錫爵者。或并及世貞。世貞作此書時。仍載入疊陽子事。不免文過遂非。其餘所紀。則大抵近實。可與正史相參證。不以一節之謬。乘其全書也。

嘉靖以來首輔傳序

王世貞曰。余所稱述閣臣。沿起輕重始末。已具年表中。旣而歎曰。高帝之能設丞相。著爲甲令。重其典。危其辭。豈不諄諄。俾哉。然卒避名而陰操其實。以至於極重不可反者。萬幾不獨斷。睿智不恒操。耳目之用。必有憑。而積漸之勢成也。仁宣之代。與卿竝。太宰位第一。華蓋次之。太宗伯位第三。謹身次之。正統景泰之際。大宗伯太宰。位皆第一。華蓋次之。然在正統。則中貴秉綸綍而專於內。在景泰。則司馬預帷幄而分於外。雖理亂之勢殊。而閣臣之不得言相。猶故也。自天順之隆。寄於武功氏。然左珥橫胄。更得而抗持之。且未幾輒敗。其後屢寄於南陽。雖亦參之以太宰。大司馬。而相端萌矣。若首次之低昂。亦以時露矣。成化末。太宰文帥。與首臣權相敵也。次之與首。勢相逼也。蓋皆有所挾。而皆不勝。於是相形顯。而首次益低昂矣。弘治間。首次以官序而不異權。太宰大司馬。以孤卿重而不相角。其治世之象乎哉。正德不親政。其始端委而聽閣臣之贊襄。旣而使大閣奪之。閣敗。他閣復寄之。又復使介冑參之。於是閣臣孱不復能振其黠無耻者。甘爲之隸役。而竊以自私。何論相哉。是故芳爲之次。而不得言首矣。宰綵爲之外。而不得言內矣。寧彬進。而絲綸移于介冑矣。嘉靖入紹。盡歸其靈而新之。歸政內閣。新都疑然。三輔鼎承。百辟風偃。雖不久而有所扼以去。然相形成。而首次遂大分。永嘉之爲卿佐。則擊內閣而破相之體。居內閣。則排六卿而成相之尊。其爲次則出首之上。爲首則惡次之近。然而直者猶能奮而與之抗。健者猶能挾而掣其

肘。若乃屏苞苴。折姦倖。明主威。蕩國蠹。斯亦功之首也。已。信州之所結託。不能如永嘉而汰過焉。上舞其上下。逞其下。寵盡而辱乘之。身首異處。爲天下笑。袁州以柔用。竊人主之喜怒。而爲威福。荊州以剛用。操人主之威福。而成喜怒。六卿伺色探旨。若六曹吏。稱次者亦惕息屏氣。而不敢有所異同。於是乎相之形張矣。其首次則霄壤矣。刑憲之報。近而及身。小遠而及子孫。皆家籍名滅。播之丹青。夫豈不幸哉。然談者猶以爲荊州微有功。罪稍不蔽云。大約新鄭狠於信州。而汰小未甚。二李肩次。無咎無譽。新都華亭。用亦有剛柔而業相埒。其最優者也。余旣卒。卒不獲終三管之事。故及耳目之確者著之。曰嘉靖以來首輔傳。蓋至嘉靖而始有相與首也。曷言輔。避相也。諸爲次者。及與連者。附志其中。

嘉靖以來內閣首輔傳目錄

卷之一

楊廷和

蔣冕

毛紀

費宏

楊一清

卷之二

張孚敬
議禮諸臣附

李時

卷之三

夏言

霍鏗

卷之四

嚴嵩

卷之五

徐階

李春芳

卷之六

高拱

首 輔 傳 目 錄

卷之七

張居正上張四難附

卷之八

張居正下申時行附

嘉靖以來內閣首輔傳卷一

明 王世貞元美撰

楊廷和

楊廷和字介夫。蜀之新都人。十二舉於鄉。十九成進士。改翰林院庶吉士。始告歸。娶廷和爲人。美風姿。性沈靜詳審。爲文亦簡暢有法。而不好爲聲律華藻之學。惟以考究掌故。民瘼邊事。及一切法家言。蓋鬱然負公輔望。云授檢討。滿九載。進脩撰。憲宗實錄成。以預纂修。進侍讀。改左春坊左中允。日侍皇太子講讀。主順天試。復且滿考。而修會典成。優拜左春坊大學士。兼翰林院侍讀學士。復主會試。皇太子卽位。推恩進詹事府少詹事。兼讀學如故。充經筵講官。爲孝廟實錄副總裁。尋進詹事。專領內閣誥敕。當進講。而所稱遠佞幸。戒遊逸。失中貴人瑾指。傳改南京吏部左侍郎。旣行。而有爲廷和解者。去詹事之五月。而遷南京戶部尚書。又三月。上問楊學士何在。瑾以南京戶部對。乃召入。進兼文淵閣大學士。參預機務。明年加少保。兼太子太保。時重修會典。與孝廟實錄先後成。諸纂修官。屢當時遷。而瑾意有所修。怒屬廷和皆預總裁。於是先擿會典誤。廷和與大學士李東陽等。稱倖二級。而以實錄功還之。明年加光祿大夫。柱國。再遷改吏部尚書。武英殿大學士。時瑾橫益甚。而大學士芳。吏部尚書綏。爲中外媾。廷和與東陽。委曲其間。小有所救劑而已。尋安化王自夏州反。以誅瑾爲名。廷和等乃稍自舒吐。草赦詔。且請擢邊將仇鉞。以離

賊黨而銖果乘間執安化王。會瑾繇中貴人張永發伏誅。廷和等乃復論功。進少傅。兼太子太傅。謹身殿大學士。子一中書舍人。流賊劉六劉七齊彥明反。左都御史馬中錫當帥師往討之。廷和言中錫文士也。寧能當此寄。時業已行。果不能平賊。廷和請逮中錫下獄。以待郎陸完代之。而斬故受賂縱賊者參將桑玉。已又薦都御史彭澤。將諸邊兵。討河南賊趙鐸等。時輔臣東陽病多。委計廷和。以是賊漸平。論功錄廷和一子錦衣衛千戶。辭。特加少師。太子太師。華蓋殿大學士。中貴人張永挾奇僂瑾而驕。訶得男子有龍文於臂者。以爲功。援故中貴人劉永誠例。身欲得侯。廷和謂封永誠之從子聚伯耳。且自以戰功封。非永誠身受之也。永意乃寒。亦不能爲廷和怨。彭澤將西討流賊鄆本恕等。入問計廷和。廷和曰。以君才。賊何憂不平。所戒者。班師早耳。澤後破誅本恕等。奏班師。而餘黨復蠟起。不可制。澤既發而復留。乃歎曰。楊公之先見。吾所不及也。乾清宮災。廷和請上避殿。下詔罪己。求直言。因與其僚疏勸上早朝晏罷。深居簡出。躬九廟祭。崇兩宮。孝養。勤日講。復而奏開言路。達下情。還邊兵。革禁市。罷皇店。出西僧。省工作。減織造。十餘條。皆切至。而上不省。尋以父春喪。乞歸持服。不許。三請乃許。奔喪。使中貴人護而行。起之。復三疏辭。始許。閣臣之得終父母服。自廷和始也。服甫闋。即召入。時上出行邊。使使賜廷和羊酒楮幣。廷和疏謝。因請迴鑾。不報。復與大學士蔣冕馳至居庸。願得以身出塞。上乃遣中涓阻之。歸。廷和之初奔喪。實首揆。而梁儲代之。儲故同舉進士。先貴。而長於廷和十歲。累遷至少師。首殿矣。至是讓居下。時頗稱儲諛。當廷和之在事。上往往不視朝。尋周穆王之轍。廷和數上疏諫止。不聽。而他如復寧王護衛。貴諸義子。乃至自稱。

威武大將軍鎮國公與諸失政之大者。廷和亦喻諫。俱不聽。以是邑邑不自得。數移疾乞骸骨。上不聽。嘗是時。上寬大好佚游。於章疏不甚省。而中貴人谷大用。魏彬。張雄。義子錢寧。江彬。輩橫甚。廷和雖不爲之下。然不能有所裁禁。以是得稍自安。寧王宸濠反。江西事聞。上欲帥師親征。廷和等力阻之。上乃自詭總督軍務。威武大將軍總兵官。後軍都督府太師鎮國公朱壽。統各京邊將士南討。而安邊伯許泰爲威武副將軍。左都督劉師爲平賊將軍。前驅鎮守撫按。悉聽節制。命廷和與大學士毛紀居守。以乾清坤寧二宮將建。推恩錄一子錦衣衛副千戶。辭。時廷和當草大將軍南征敕諭。謝弗肯草。上已心恚。而會推南京吏部尚書劉春理東閩請敕。以廷和私其鄉人。切責之。廷和謝罪。乞罷不許。少師梁儲等請與俱罷。復不許。是時廷和方闔門以病請。而敕諭行矣。上旣南。兩更歲朔。而廷和頗以鎮靜持重。爲中外所推服。凡請上迴轅者數十疏。皆不復省。上歸而駐蹕通州。廷和等舉故事。請上還大內。御殿受俘。而後正宸濠等誅。上令趣召廷和等至。通受事。卽行在執宸濠等。慘之。廷和不能爭也。前是兵部尚書王瓊。材而險。與中貴人及錢寧。江彬等狎。相表裏爲章奏。誅賞遷陞。捷取中旨。不復關內閣。而瓊躡進亦至少師。與廷和儲埒。其同居守。又不自抑損。自侈益甚。廷和甚恨。莫能制也。至是與吏部尚書陸完。皆發自張永。云與宸濠通。私外議洶洶。以家且籍矣。瓊先驅至。通輸款。上左右得免。而願奪陸完位而居之。廷和以是益恨瓊。明年正月。上郊祀。伏而嘔血。與疾歸。壽益甚。亡皇子。而司禮中貴人魏彬等至。閣言國醫力竭矣。捐萬金而購之。草澤。或有人應。廷和心知所謂。乃出榜諭購。而徵以倫序之說。風之。彬等唯唯。又十日而谷大用張永

至閣來言上晏駕於豹房矣。以皇太后命移殯大內。且議所當立。廷和業袖皇明祖訓出而示之曰。兄終弟及。誰能瀆焉。以親以長。毋如興世子。遂合策迎興世子。而王瓊率九卿突入左掖門。厲聲曰。九卿之在廷。我爲長。今日誰當立者。而不使聞。廷和左右目。遂皆不對。乃薨然散去。而故事內閣當一人與中貴勳戚大宗伯偕往。次爲梁儲。次蔣冕。而冕有志力。廷和欲倚以自輔。而是時平虜伯江彬擁重兵在肘腋間。知天下之惡之。勢必反。廷和欲以太后旨捕誅彬。恐梁儲老不任迎。而故與彬善。或泄之。冕去則益孤。乃佯惜儲。憊阻其行。儲奮曰。事孰有大於迎天子者乎。而敢以憊辭。儲奉金符往。而冕留矣。魏彬故與江彬有連。而柄司禮。廷和知其稍文弱。乃爲詳言江彬反狀以危語脅之。彬心動。因俾其入白皇太后。而後具啓。請太監張永。武定侯郭勛。伯許泰。尙書王憲。選各營兵。分布皇城四門。京城九門。及南北要害。廠衛御史以其屬嚴干振。傳遺命。能成武營團練諸軍。各邊兵入衛者。俱重賫散歸鎮。其皇店官校。及軍門名色辦事。悉勒還衛。哈密土魯番佛郎機諸貢使。皆給賞而遣之還國。豹房所供番僧。及少林僧。諸技擊。射生。櫓船。黃頭郎。散樂。工技。一切罷遣。時江彬之黨都督僉事李琮。尤狼黠。勸彬乘間以其家衆反。不勝則北走敵。彬猶豫未決。而與廷和合謀者。獨蔣冕。毛紀。司禮中貴溫祥。凡四人。而魏亦不敢泄之。張永伺知其意。亦密爲備。乃誘江彬入安坤寧宮。獸吻行禮。入西華門。過永所。永飯之。俾小綏以待。彬且行禮。而還旨下。彬反走西華門。門閉。轉走北安門。內監羣追而縛之。因併縛都督神周及李琮。下詔獄。籍其家。中外懽呼相慶。興世子至都門。禮部具儀。如皇太子卽位禮。由東安門入居文華殿受箋。不許。遂從行殿受箋。由

大明門直入。告大行皇帝几筵。御前殿卽位。廷和具詔草上之。報可。始草上。而諸中貴以其闕內政者數條。屬廷和削去。廷和曰。往者吾儕之不得職。公等謂出上意。今者亦出新天子意耶。不然。吾儕賀登極後。惟有一去。且叩之上。以誰削詔草。必有當之者。於是蔣冕及毛紀相繼發危言。諸中貴語塞。已而詔下。正德中蠹政釐革。且盡中外加額。稱新天子聖人。而所革錦衣等諸衛內監局旗校工役。爲數十四萬八千七百。減漕糧百五十三萬二千餘石。其中貴義子。傳陞乞陞。一切恩倖得官者。殆盡矣。失職之徒。銜廷和切骨。入朝有挾白刃恫喝於輿旁者。事聞。詔以營卒百人爲廷和出入衛。上御經筵。廷和知經筵事。修武廟實錄。充總裁。前是廷和已加特進一品。滿九載。兼支大學士俸。賜勅旌諭。至是加左柱國。而給事御史交章論王瓊罪狀。下詔獄。瓊迫。則疏託廷和以自解。法司乃當瓊奸黨律論死。瓊力自辯。得減邊戍。而有以爲承望者。會石瑄自禮部尙書掌詹事府。改吏部。廷和復奏改之。掌府使司誥敕。於是人或謂廷和太專。然廷和以上雖幼沖。然英睿不世出。益自信。以可致天下太平。事事有所持諍。錢寧江彬雖伏誅。而張銳張忠于經等獄久不決。賂於內。亦減從戍。廷和等疏。謂不誅此曹。則國法不正。公道不明。九廟之靈不安。萬姓之心不服。禍亂之機未息。太平之治未臻。上乃籍沒其貲產。廷和復疏請敬天戒。法祖訓。隆孝道。保聖躬。務民義。勤學問。慎命令。明賞罰。專委任。納諫諍。親善人。節財用。語多剴切。皆優詔報可。而大禮之議起。時興獻王與母妃名號猶未定。上欲有所加隆。召廷和等從容賜茶慰諭。而廷和持以爲上當後孝宗。稱孝宗曰皇考。而獻王爲皇叔考。爵曰興國大王。母妃曰興國太妃。而別立益王之次子崇仁王。

爲興王。奉獻王祀。禮部因之以請。上弗悅。而進士張璠有窺見。遂上疏言。上宜考獻王。毋蔣妃。皆崇以帝后號。且持繼統不繼嗣之說甚晰。語見璠傳。自是廷和每召對。上必溫旨諭之。而持不可者三。封還御批者四。前後執奏幾三十疏。上益忽忽有所恨。而左右得乘間言。廷和恣無人臣禮。言官史道曹嘉等亦遂論劾。廷和上雖爲之薄謫以安之。而意內移矣。尋修定冊功。封廷和蔣冕毛紀各伯爵。歲祿千石。固辭。改廢錦衣衛指揮使。復辭。上以賞太輕。加廢四品京職。各世襲。復辭。而會廷和滿四考。超拜太傅。復四辭。而止。特賜敕旌異。錫宴於禮部。九卿皆與焉。時上頗留意齋醮。廷和力言其不可。引梁武宋徽爲喻。優旨報納。時江左比歲不登。而中貴人以御衣請遣官。蘇杭二府督織造工部及給事御史言之。皆不聽。而趣內閣撰敕。廷和等不奉命。因極言民困財竭。請毋遣官。上仍趣撰敕。且戒以不得瀆擾執拗。廷和因力辯其非。瀆擾執拗。且謂臣等與舉朝大臣言官言之不聽。而獨二三邪佞之言是聽。陛下獨能與二三邪佞共治祖宗天下哉。且陛下以織造爲累朝舊例。不知洪武以來。何賞有之。其創自成化宏治始耳。憲孝二聖。恤民節財。美政非一。陛下不之法。而獨法其不美者。何也。卽位一詔。中官之倖路。絀塞殆盡。天下方傳誦聖德。而今忽有此。何以取信。因請究擬旨者。上爲謝不審。俾戒所遣官。毋縱肆而已。不能止也。廷和故已累疏乞休。其後請益力。而又以持稱考獻帝議不合。疏辭露不平。上責以因辭歸咎。非大臣道然。猶賜之璽書。給輿廩郵護如例。申前廢子錦衣衛指揮使之命。給事御史請留廷和。皆不報。而蔣冕代。

蔣冕

蔣冕。字升之。廣西之全州人。十四應鄉薦。又十年而成進士。改翰林院庶吉士。授編修。遷侍讀。改右中允。進左春坊左諭德。兼侍讀。以母憂歸。還爲侍讀學士。進詹事府少詹事。仍兼侍讀學士。遷吏部右侍郎。轉左侍郎。爲禮部尚書。改掌詹事府。入東閣理誥敕。進兼文淵閣大學士。加太子太傅。武英殿大學士。滿三載。授光祿大夫。柱國。尋進加少傅。太子太傅。戶部尚書。謹身殿大學士。冕在翰林久。最有學行。清修自好。而無所見。其入內閣。值上多出巡幸。留連塞外。不肯還京師。冕與楊廷和。梁儲。毛紀疏請。前後以十數。皆不聽。冕乃自爲疏上之。其言尤危切。上不之省。亦弗罪也。旣南征。冕與梁儲。扈從。以時請迴鑾。上所縱。倡樂遊讌。雖不能諫止。亦不肯依阿。而是時中貴人永忠。與都督彬。秦。挾上寵勢張甚。然不能親疎。冕以是望實頗重。歸而上。屬疾崩。冕與廷和。合謀捕江彬。與商略詔草。有社稷功。世宗自興來。論封伯爵。與廷和。埒力。辭至五。乃改磨錦衣指揮同知。及五品京職。皆世襲。復辭。冕故推重廷和。旣相得。懽甚。而冕尤耿介。抗顏執諍。侃侃大臣體。而兵部右侍郎吳廷舉者。其鄉里同年。至厚也。有所建白。而冕迂之。遽上章。謂冕在先朝。不能恪君心。不稱輔導。冕恚甚。因盡暴白其所上疏。而謂廷舉挾睚眦。詆諆故舊。斥之。南人兩病其隘。然廷舉更累進秩。冕弗問也。其所持追崇興王禮。旣雅與廷和合。而朝議因之。廷和罷。而前遣中官織造。尙未具草。冕卒不肯具草。上責之。引咎而已。因移病不出。上優詔強起之。再三。迺出。時上欲崇獻王及母妃。得張璉。桂萼等疏。益決。雖勉稱本生父母。欲立廟於奉先殿側。禮部議不合。則罷。其尙書汪俊。以怖冕。冕旣與同官力諍。復獨疏言其不可。因乞休。優詔不允。乃降詔。本生皇帝。曰恭穆獻皇帝。本生母。

曰章聖皇太后。冕益不自得。復上疏乞不與議立廟。而以骸骨歸。上責之。然猶備大臣禮。略如廷和。而錄一子錦衣衛指揮同知。給事御史請留冕。皆不報。而毛紀代冕之去。距其代廷和兩閱月耳。

毛紀

毛紀字維之。萊州掖人也。少惇敏好學。二十四舉山東鄉試第一。明年成進士。改翰林院庶吉士。授檢討。滿九載。進修撰。充經筵講官。俄侍東宮講讀。修大明會典成。遷侍讀。皇太子卽位。進左春坊左諭德。丁父憂。歸。服除。中貴人瑾恨之。奪左諭德。復爲侍讀。孝廟實錄成。進侍講學士。尋爲學士。權戶部右侍郎。遷禮部左侍郎。母憂歸。服除。改吏部左侍郎。進吏部尙書。遣中貴人使西域齋番僧供。紀力爭之。不報。亡何。兼翰林院學士。掌詹事府。入東閣。理誥敕。賜玉帶蟒衣。尋兼東閣大學士。直文淵閣。預機務。無何。加太子太保。兼文淵閣大學士。上以宸濠反。欲親征。紀與楊廷和等泣請留。不得。遂同廷和居守。滿三載。進少保。戶部尙書。武英殿大學士。階光祿大夫。勳柱國。上晏駕。紀與廷和等合策迎與世子。及捕誅江彬等。與世子卽位。與蔣冕俱同知經筵事。充武廟實錄總裁。論功。與廷和冕俱賜封伯爵。力辭。改文武廕襲如冕。復辭。會冕歸。而紀以一品六年滿。改吏部尙書。謹身殿大學士。時追崇興獻帝。敕諭甫下。而上復入桂。張璠等言。驟遷其官。而下禮部議。稱孝宗爲皇伯考。獻帝爲皇考。與聖母俱去。本生字。禮部執奏不聽。令具儀聞。於是詹事府翰林院給事御史部屬百餘人。各上疏爭之。上怒甚。逮爲首者下詔獄。紀乃與大學士石瑄復伸其說。報聞。於是紀移疾乞休。優詔留之。而當上聖母冊時。大臣多不至者。上益怒。會紀扶病入朝。